

矣養之如地樂其生矣上下不厭感應一理知不自見變不自貴以晦爲能以謙爲美去彼非道惟此道取治人修真無往不至嗚內養剛陽外順之自然心廣體安舒於中認得真知愛信有長年住世書

勇於敢章第七十三

勇於敢則殺勇於不敢則活此兩者或利或害天之所惡孰知其故是以聖人猶難之天之道不爭而善勝不言而善應不召而自來坦然而善謀天網恢恢疎而不失

暴其氣者死之機持其志者生之理夫何二者之必然而有或害而或利益不求天之變者如彼又孰知天之常者如此

道藏輯要

道德真經章句訓頌

三

心集五

故涓滴以之石穿淵默以之雷厲寒暑以之自然智慮以之不滯蕩蕩乎奄萬有而無拘雖一毫之微不能外矣嗚惡盈惡殺无非道入死人生皆是機提取大綱歸掌握任他常變總无違

民常不畏章第七十四

民常不畏死奈何以死懼之若使人常畏死而爲奇者吾將執而殺之孰敢常有司殺者殺夫代司殺者殺是謂代大匠斲夫代大匠斲希有不傷其手矣

人未知愛生常若不畏死使其生以樂安有死不畏奇殺無非天有罪斯殺矣所謂代司殺殺之以私意譬如代匠斲傷

手乃必至傷人卽自傷天道有還理嗚起心傷處已傷心及至傷人并及身身外子孫猶不免一回念後便歸仁

民之饑章第七十五

民之饑以其上食稅之多是以饑民之難治以其上之有為是以難治民之輕死以其求生之厚是以輕死夫惟無以生為者是賢於貴生

賦歛重萬腹空智術用萬息動嗜欲無窮厚吾奉入死求生不知痛何如清靜兩相忘飽飯機無民自重嗚嗜欲之生如晝忽瞑萬累雜逐日與心競去之何方以省以定清靜之道斯其要領

道藏輯要

道德真經壽筭訓頌

卷

心集五

人之生章第七十六

人之生也柔弱其死也堅強萬物草木之生也柔脆其死也枯槁故堅強者死之徒柔弱者生之徒是以兵強則不勝木強則共故強大處下柔弱處上

柔弱者氣之溫和堅強者氣之肅殺溫和則陽之虛肅殺則陰之塞虛則所以存魂神塞則所以復體魄孰知夫死生之非徒而邁乎造化之不測嗚陰體柔弱用剛強陽體剛強用柔弱五行顛倒小技耳萬物死生歸掌握

天之道章第七十七

天之道其猶張弓乎高者抑之下者舉之有餘者損之不足者